



ЙЎЛИМИЗ БИТТА: ОДАМЛАРГА ҲАЛОЛ ХИЗМАТ ҚИЛИШ, ХАЛҚИМИЗНИНГ РОЗИЛИГИГА ЭРИШИШ



Ўзбекистон Республикаси Президенти Шавкат Мирзиёев 20 ноябрь куни Тошкент шаҳрида амалга ошириладиган бунёдкорлик ишлари ва sanoat корхоналари фаолияти билан танишди.

Биринчи объект Яшнобод туманидаги Технопарк бўлди. Давлат раҳбарининг 2019 йил 1 майдаги “Саноат кооперациясини янада ривожлантириш ва талаб юқори бўлган маҳсулотлар ишлаб чиқаришни кенгайтириш чора-тадбирлари тўғрисида”ги қарори асосида ушбу инновация технопарки ташкил этилган эди. Утган қисқа вақтда бу ерда замонавий индустрия йўлга қўйилди.

Масалан, Тошкент авиация заводи ишлаб турган 2010 йилда 50 миллион долларлик маҳсулот ишлаб чиқарилиб, 30 миллион долларлик экспорт қилинган бўлса, Технопаркдаги барча лойиҳалар натижасида 2021 йилда 520 миллион долларлик маҳсулот тайёрланади ва 105 миллион долларлик экспорт қилинади.

Шунингдек, илгари 3 мингдан зиёд иш жойлари бўлган, Технопаркда 6 минг 700 га яқин бўлади. Ўрни, маҳсулот

ишлаб чиқариш 10 баробар, экспорт 3,5 баробар, иш жойлари 1,7 баробар кўпаяди.

Технопарк 7 та блокдан иборат. Бу ерда умумий қиймати 365 миллион долларлик 17 та лойиҳа амалга оширилмоқда.

Жорий йил февралда электрон газ ҳисоблагичлар корхонаси, августда маиший совутичлар заводи ишга туширилган эди. Бошқа лойиҳалар ҳам бирин-кетин фойдаланишга топширилмоқда.

Президент шундай янги қувватлар — лифт ва эскалаторлар, форма ва қолиплар, сув насослари, sanoat кондиционерлари ва совутиш тармоқлари корхоналарида ишлаб чиқариш жараёнини кўздан кечирди.

Лифт корхонасида давлатимиз раҳбари маҳсулотларнинг локализация даражаси билан қизиқди. Ҳозир бу

кўрсаткич 32 фоизни ташкил этади.

Президент Шавкат Мирзиёев Тошкент ва бошқа шаҳарлардаги кўп қаватли уйларда энг катта муаммо лифтлар билан боғлиқлигини айтиб, маҳаллийлаштириш даражасини ошириш эвазига таннархни тушириш, эски лифтларни алмаштириб, янгиларига сифатли хизмат кўрсатиш бўйича кўрсатмалар берди. Замонавий лифтларни эксплуатация қилиш бўйича кадрлар тайёрлаш кераклиги қайд этилди.

Ушбу лойиҳа шу соҳада дунёда етакчи ишлаб чиқарувчилардан бири “Shanghai Mitsubishi” компанияси билан ҳамкорликда амалга оширилди. Йилга 2 минг дона лифт ишлаб чиқариш қувватига эга.

Маҳсулотлар қатор афзалликлари билан ажралиб туради. Корхона таклиф этаётган ускуналар барча турдаги биналар, маъмурий идоралар, савдо ва

кўнгилочлар мажмуалар, турар жойлар, меҳмонхоналарда фойдаланиш учун мўлжалланган. Хавфсизлик ва сифат кўрсаткичларига тўла жавоб беришини таъминлаш мақсадида ҳудудда баландлиги 60 метрли синов минораси ташкил қилинган.

Давлатимиз раҳбари форма ва қолиплар корхонасида ёш ходимлар ишини кузатди.

Корхонада совутилган ҳолда штампланган йўли билан металлга шакл берувчи қолиплар ва куйиш йўли билан пластик маҳсулотларга шакл берувчи пресс формалар ишлаб чиқарилади.

Лойиҳанинг самарадорлиги юқори бўлиб, шу турдаги бошқа пресс форма ускуналари бир дақиқада 5 та деталь ишлаб чиқарса, ушбу корхона томонидан фойдаланиладиган шундай ускуналар бир дақиқада 20 та детални ишлаб чиқаради.

— Бундай корхоналар бир эмас, бир неча жуда муҳим иқтисодий-ижтимоий масалаларни ҳал қилади. Одамларни, айниқса, ёшларни иш билан таъминлайди. Энг асосийси, бугунги ютуғимиз — sanoatда юқори технологияларни амалда ишлата оладиган замонавий миллий кадрларнинг янги авлоди етишиб чиқяпти, — деди Президент.

Шавкат Мирзиёев маҳсулотлар сифатини илғор мутахассислар таъминлашини, шу боис ёшларни бундай корхоналарда ишлашга тайёрлаш учун ўқув маркази ташкил этиш зарурлигини таъкидлади.

Сув насослари ишлаб чиқариш корхонасининг йиллик қуввати 550 минг дона ташкил этади ва 200 та янги иш ўрни яратилади. Лойиҳа соҳанинг етакчи ишлаб чиқарувчилари “LEO” компаниялар гуруҳи ҳамда “Atlas Copco” компанияси билан ҳамкорликда амалга оширилмоқда.

Маҳсулотлар асосан, уй ва қишлоқ ҳўжалигида, томчилатиб суғориш ва иссиқхона мажмуаларида, шунингдек, маиший сув иситиш тизимларининг ажралмас қисми сифатида фойдаланишга мўлжалланган. Ишлаб чиқаришда юқори сифатни таъминлаш мақсадида замонавий лаборатория ташкил этилган.

Давлатимиз раҳбари sanoat кондиционерлари ва совутиш тармоқлари ишлаб чиқариш корхонаси фаолияти билан ҳам танишди. Бу ерда йилга 80 минг дона маҳсулот ишлаб чиқарилади. Лойиҳа натижасида 300 та янги иш ўрни яратишга эришилади.

Ушбу жиҳозлардан ижтимоий соҳа объектлари ва совутиш омборхоналарида бирдек фойдаланиш мумкин.

Келгуси йили Технопаркда совутичи витриналар, иситиш радиаторлари, ошхона техникалари, фурнитур ва аксессуарлар, мис қувурлар, изоляция материаллари каби бозорбоп маҳсулотлар ишлаб чиқарувчи 9 та корхона ишга туширилади.

Шу ерда Президент Шавкат Мирзиёев пойтахтимизда фаолият олиб бораётган тиббиёт ходимлари ва педагоглар билан мулоқот қилди.

— Тошкентда сифатли тиббий хизмат ва мактаб таълимига қандай эришамиз? Мени шу савол қийнади. Сизлар билан учрашишдан мақсад куйи тизимдаги масалаларни билиш, тўғри йўл тутиш, — деди давлатимиз раҳбари.

2020 йил барча соҳалар учун катта синов бўлди. Тиббиёт ходимлари ҳам, ўқитувчилар ҳам янги шарт-шароитда ишлашга тўғри келди.

— Оғир синовлар пайтида бирлашдик. Бу синовлар бизни изланишга мажбур қилди. Шунинг учун натижа бўлди, — деди Президент.

Айни пайтда, пандемия қайси соҳаларда оқсаш борлигини, ислохот, ривожланиш йўналишларини ҳам кўрсатиб берди. Жорий йил 30 октябрь кунини таълим-тарбия тизими, 6 ноябрда эса соғлиқни сақлаш соҳаси бўйича ўтказилган видеоселектор йиғилишлари шу мақсадга қаратилган эди. Уларда муҳокама қилинган долзарб масалалар ва билдирилган таклифлар асосида таълим-тарбия ва илм-фани ривожлантириш, бирламчи тиббий муассасалар фаолиятига мутлақо янги механизмларни жорий қилиш, соғлом турмуш тарзини кенг тарқатиш бўйича Президентнинг фармон ва қарорлари қабул қилинди.

Учрашувда таълим ва тиббиёт соҳаларидаги ислохотларнинг аҳамияти, уларни куйи тизимда амалга ошириш чоралари ҳақида суҳбатлашилди.

Шавкат Мирзиёев аҳоли соғлиқни сақлаш тизимидан норози эканини таъкидлади.

— Шифохонадан чиққан 20 та одам билан гаплашганлар, ҳаммасини айтди. Кўпчилик тиббий хизматлар сифатидан норози, — деди Президент.

Аҳоли ўртасида соғлом турмуш тарзини тарғиб қилиш, касалликларни эрта аниқлаш ва даволашнинг илғор тажрибасини жорий этиш, тиббиёт муассасалари шароитини яхшилаш бўйича фикрлар билдирилди.

Соғлиқни сақлаш ва таълим тизимлари аҳоли саломатлиги, ёш авлод камолотида ҳамоман экани таъкидланди.

— Тиббиёт ва таълим — давлат ва халқ ўртасидаги адолат кўприги, — дея таъкидлади Шавкат Мирзиёев. — Ҳаммамиз ўзимизни қийнаб, ҳалол бўлиб, бу тизимларни тўғри олак, ана шунда адолат таъминланади. Халқимиз рози бўлади. Тошкент бунда намуна бўлиши керак.

Давлатимиз раҳбари Мирзо Улугбек туманидаги Республика кўп тармоқли тиббиёт маркази қурилишини бориб кўрди.

Марказ ўз номи билан кўп тармоқли. Бу ерда жарроҳлик, реанимация, кўз микрохирургияси, умумий терапия, нефрология, пульмонология, гепатология, аллергология, кардиология, қон-томир жарроҳлиги, кардио-реанимация, стоматология, гастроэнтерология, эндокринология ва бошқа ихтисослаштирилган бўлимлар бўлади. Тиббий хизматлар халқаро стандартлар асосида комплекс тарзда кўрсатилади.

Инновация



Республикамизда ҳозирги кунда рақобатбардош маҳсулотларни ишлаб чиқариш ва экспорт қилиш бўйича барқарор ўсиш суръатларини таъминлаш, шунингдек, қурилиш материаллари sanoati корхоналарини модернизация қилиш, техник ва технологик янгилашга қаратилган таркибий ўзгаришларни янада чуқурлаштириш юзасидан тизимли ишлар амалга оширилмоқда.

ЯНГИ ТУРДАГИ ҚУРИЛИШ МАТЕРИАЛЛАРИ: амалдаги ҳолат, мавжуд илмий салоҳият ва истиқболдаги режалар

Бунда тармоқни жадал ривожлантириш ва диверсификация қилиш учун қулай шарт-шароитлар яратиш, маҳаллий минерал хомашё ресурсларини қайта ишлашга инвестицияларни жалб қилиш ва қурилиш материалларини экспорт қилиш ҳамжамларини оширишга алоҳида эътибор қаратилмоқда.

Ҳозирги кунда аҳолини арзон турар жой билан таъминлаш, ижтимоий соҳа объектлари, нотурар ва аҳоли турар жойлари учун сифатли, арзон, янги турдаги қурилиш материалларига талаб ва таклиф тобора ортиб бормоқда.

Бунёдкорлик ишлари қийматининг 55-60 фоизини қурилиш материаллари ташкил этиши, замонавий меъморчилик янги, сифатли, арзон, энгил ва зилзилабардош, инновацион маҳсулотларни талаб қилиши инновация олиниши, қурилиш материаллари ишлаб чиқариш соҳаси тараққиёти ва аҳамиятини ҳис қилиш, англаш қийин эмас. Хусусан, ҳозирги кунда мамлакатимизда олиб борилаётган кенг кўламли қурилиш ва бунёдкорлик ишлари қурилиш материаллари sanoatини жадал ривожлантиришни тақозо қилмоқда.

Давоми 3-бетда

Дунё нигоҳида

Ўзбекистон — Ҳиндистон муносабатларининг бугунги ҳолати ва истиқболлари таҳлил этилди

Мамлакатимизнинг Деҳли шаҳридаги элчихонаси томонидан Ҳиндистоннинг “Tillotoma Foundation” ташкилоти билан ҳамкорликда “Ўзбекистонда ислохотлар жараёни ва ўзбек-ҳинд алоқалари” мавзусида вебинар ташкил этилди.



Онлайн анжуман “Facebook” ижтимоий тармоғи орқали узатилди ҳамда 400 дан ортиқ иштирокчи томонидан кузатиб борилди.

Тадбирни мамлакатимизнинг Ҳиндистондаги элчихонаси билан очиб, бугунги кунда Ўзбекистондаги жадал ислохотлар жараёни, Ўзбекистон-Ҳиндистон алоқалари ва ўзаро ҳамкорлик истиқболлари ҳақида қатнашчиларга баътафсил ахборот берди.

Ўзбекистон вакиллари томонидан таълим, ахборот-коммуникация технологиялари, туризм ва ҳамкорликнинг бошқа устувор йўналишларида маъруза ва тақдимотлар намойиш этилди.

Давоми 3-бетда

Интервью

БУГУНГИ КУН УЙҒОНИШНИ, ТАШАББУС ВА ФИДОЙИЛИКНИ ТАЛАБ ЭТАДИ



Давлатимиз раҳбари 20 ноябрь куни Тошкент шаҳридаги бунёдкорлик ишлари, sanoat корхоналари фаолияти ва янгидан барпо этиладиган тиббиёт масканларининг қурилиш жараёнлари билан танишди. Шунингдек, ўқитувчи ва шифокорлар ҳамда киноижодкорлар билан мулоқотда бўлди.

Давоми 2-бетда

